

PAOT TE PINĒM PU KAX'ĀMI'

¹ Ūgmūn Paot, 'ūkxip kanet kopah, Yeyox Kunnix pu 'āte hāpxopmāhā', tu kanet kopak xip, ha yūmūg xape Tīmōn tek mūtik tihi', yīk mū'āte xa kax'āmi', Pinēm, yāk mūg mūtik hāpxopmāhā', ² ha 'kuxa mām ka'ok xop pu kax'āmi kamah, nōm te yāy tu nū'nāhā 'āpet tu', hak mū'āte kamah nū mīy tappet, yūmūg xape hex 'Apit pu' mīy, xix 'Akip pu' mīy, yā yūmūg mūtik hām kamah.

³ Pūyā yūmūg Tak Topa xa hāmmaxnā', xix 'ākuxa māmā'. Pūyā yūmūg xuxyā Yeyox Kunnix xa hāmmaxnā'.

Pinēm te' xape xohix putup pax

⁴ Pinēm, xatek mūn hāk xape xe'e', yīy 'āte Topa pu hām'āktux pax, tu 'āpekpaxex, tu Topa pu hām'āktux, hu: 'Āmax Topah! Kaxīy. ⁵ 'Āte hām'āktux tap, hu: Xate Topa yōg tikmū'ūn xohix putup pax, ha tikmū'ūn te' yūmmūg, tu' xuktux, ha 'āte' xupak, tu 'ākuxa yūm ka'ok'ax yūmmūg, ha 'yūm ka'ok yūmūg xuxyā Yeyox kopah. ⁶ Topa te yūmū'ā hāmmaxnāhā', tu Kunnix hā hāmmaxnāhā', yīy 'āte Topa tu' xak, puyīy yūmū'ā yūmmūgā', 'ūyīy hāmyūmmūg, nūy yūmūg kuxa mām ka'ok yūmmūg, yā yūmūg kuxap-xet Kunnix kuxa mūtik hah. ⁷ Xatek mūn hā 'āxape', tuk mūn putup pax, tuk kuxa hittupmāhā', ha mōgnīynām. Yā xate Topa yōg tikmū'ūn kuxa xohix ka'ogāhā'.

Paot te Pinēm tu' xak, pu 'Onēy mō'nīynām

⁸ Yīy 'āte xa' xat'ax, 'āhā 'ātaknōy hah, xa hāpxopmā max. ⁹ Pa 'āte 'āp-tup pax xexka', hu xa tu' xak puxehnāg, yāk mūn Paot, tu Yeyox Kunnix pu hāpxopmāhā', huk xip kanet kopah Yeyox 'āktux tu', pa 'āte 'āxat 'ap putup'ah. ¹⁰ Hu xa tu' xak, 'Onēy pupi' xak, hak kutok putuk. 'Āte nō mōgāhā Topa yōg putat hā, yīy 'āhak-tok, ha kanet kopak xip 'ihāk mūn 'Onēy hā' tak, tu hāmyūmmūgāhā'. ¹¹ Hōmā 'Onēy hām kummuk 'āmūn pu', pa' hām max 'ūgmūn pu', xix 'āmūn pu hām maxp-tup nōmhā.

¹² Yīy mō'kutnāhā 'āha putpu', 'ihāk kuxa te' xak. ¹³ 'A 'āte mō'kutnāp-tup'ah, pāyā tu xip ka'ok nūnte, hu mōgnīynīynām, 'ihāk xip kanet kopah hām'āpak max'ax 'āktux tuk xip, pu 'Onēy 'ā mīy pupi nō tuk tehet, ¹⁴ pāyā 'āte yāy pu'

mĭy putup'ah, tup-tup, xate 'ā hām'āktux, hu: “Yā' max, 'Onĕy xhip 'āmūtik, nŭy 'āhā 'ātehet,” kaxĭy. Yĭy 'āte mō'kutnāhā 'āha, xayĭy' tux hok pu putpu nŭ!

¹⁵Pe 'Onĕy te xa hāptox ha' xip, nŭy hōnhā tu' xip ka'ok 'āmūtik.

¹⁶Hōmā' hām putup'ah, tu 'ōg kāmānat, tu' hok hā' hām, pa hōnhā 'āmŭn hā' xape, 'ātaknōy putuk, tu Kunnix hā 'āxape', ha yŭmŭ'ātep-tup pax, 'āmŭn xik mŭn, yā yŭmŭ'ā hā' xape xe'e'.

¹⁷Xate 'āhā 'āxape, 'īhā 'Onĕy xānā', pu 'āpet tu mō'xip, xatek mŭn xānā'ax putuk. ¹⁸Ha hāpxop 'ŭm xa' xupxet, kopxix tu pago. ¹⁹Nŭnte 'āte kax'āmi tappet tu', hu: 'Ūgmŭn yā Paot, tu 'Onĕy pupi pagop-tup. Kaxĭy. Hōmā 'āte xa hām'āpak max'ax 'āktux, tu yā Kunnix 'āktux, ha 'ākuxa yŭm ka'ok, ha Kunnix te 'ākuxa hīnnā xe'e', 'āte xa' xuktux hah, yĭy xatek tu 'ā tu yāy xit'ax hā ta nemĕn, pāyā 'a 'āte xa' xuktux putup'ah. ²⁰Ūkxape: 'Āpu 'ŭgmŭn pupi 'Onĕy putup pax, yŭmŭg xuxyā pupip-tup pax, nŭy 'ŭgkuxa 'ŭm hittupmā', nŭy 'āmŭn te 'āhā' taknōy.

²¹'Āte xa kax'āmi', 'īhāk kuxa yŭm ka'ok xa', tu hāmyŭmmŭg. Yā xate hāpxopmāp-tup māynāg, nŭy 'Onĕy hā 'āxape xe'e'. ²²'Āxop te Topa pu hām'āktux, tu tu' xak, pu 'āhak mōgā', ha 'āte' hip, pu Topa xe mōgkutnā', yĭy 'āte 'āpet tu mō'xip putup.

Tuk-nāy tu 'āneo

²³'Epap te 'āneo, yā kanet kopa' xip 'ŭgmūtik. Yeyox Kunnix pu' hām, hu kanet kopa' xip. ²⁴Xix Mā'ak, xix 'Anixtah, xix Nep, xix Nok te 'āneo. Yā' xohix tek mūtik hām.

²⁵Pŭyā yŭmŭg xuxyā Yeyox Kunnix xa hāmmaxnā'. Tu ta tu' kux.